

1. UVOD

1.1. Predmet istraživanja

Računovodstvo je disciplina koja se bavi evidentiranjem svih poslovnih promjena koje se dogode u jednom preduzeću. Računovodstveni sistem informacija razlikuje se od drugih sistema u preduzeću iz razloga što evidentiranje podataka o poslovnim događajima zahtjeva određeno stručno znanje, prezentovanje važnih informacija, te tačnost i preciznost.

U ovom radu obrađeni su oblici funkcije računovodstva u preduzećima. Polazeći od samog osnivanja preduzeća, njegovog rasta i razvoja, računovodstvo kontinuirano prati sve njegove ekonomske aktivnosti, bilježi ih, svrstava u grupe računa te na osnovu njih sastavlja finansijske izvještaje. Na osnovu tih izvještaja koji moraju biti vjerodostojni, istiniti i sastavljeni u skladu sa zakonom i računovodstvenim standardima, stvara se slika o preduzeću i njegovoj uspješnosti. Računovodstveni poslovi moraju biti organizovani i vođeni od strane stručne osobe koja ima odobrenje, licencu koju izdaje Savez računovođa i revizora Republike Srpske ili povjereno preduzeću za pružanje računovodstvenih usluga. Poslovne promjene se dešavaju svakodnevno i one moraju biti proknjižene u zakonskom roku kako bi bio zadovoljen knjigovodstveni princip ažurnosti.

1.2. Cilj istraživanja

Velika preduzeća najčešće imaju organizovano računovodstvo unutar preduzeća zbog velikog obima poslovanja, veće potrebe za svakodnevnom informacijama o klijentima, stanjima računa itd., dok mala i srednja preduzeća imaju dvije opcije: organizovati računovodstvo unutar preduzeća ili koristiti usluge preduzeća koje ima registrovanu djelatnost za pružanje računovodstvenih usluga.

Cilj istraživanja je utvrđivanje koji oblik računovodstva je funkcionalniji u preduzeću, interni (organizovati računovodstvo unutar preduzeća) ili eksterni (koristiti usluge preduzeća za pružanje računovodstvenih usluga) s obzirom na složenost samog sistema računovodstva s jedne strane i s druge strane principa ekonomičnosti kojem teži svako preduzeće.

1.3. Metode istraživanja

Pri izradi diplomskog rada korištene su metode: metoda kompilacije, metoda analize i sinteze, te metoda deskripcije.

1.4. Struktura rada

Rad se sastoji od pet međusobno povezanih dijelova. U prvom dijelu određuje se predmet i cilj istraživanja. U drugom dijelu akcenat je na računovodstvu u opštem smislu. Treći dio govori o zakonskoj regulativi koja se mora poštovati računovodstvenim načelima. U četvrtom dijelu je predstavljena organizacija računovodstva u preduzeću kao i vrste organizovanja preduzeća i računovodstvene politike preduzeća. Peti dio obuhvata funkciju i oblike računovodstva u preduzeću.

U ovom poglavlju je data analiza eksternog i internog računovodstva, te komparativne prednosti ovih oblika organizovanja računovodstvene funkcije u cilju efikasnije računovodstvene funkcije i ekonomičnijeg poslovanja preduzeća.